

Memorandum o razumijevanju

REGIONALNI KOMITET CIGRE-a ZA JUGOISTOČNU EVROPU (SEERC)

Prvi dokument (MoR), predložen na odobrenje prilikom prvog susreta, 25. maja 2009. Godine, u Kranjskoj Gori (Slovenija), korigovan je 3. maja 2013. godine, prilikom drugog Regionalnog susreta održanog u Crnoj Gori.

1. Osnivanje

Na osnovu zajedničkog interesa i ranije neformalne saradnje, Nacionalni komiteti CIGRE-a Austrije, Bosne i Hercegovine, Hrvatske, Grčke, Mađarske, Italije, Makedonije, Crne Gore, Rumunije, Srbije, Slovenije i Ukrajine donijeli su odluku o osnivanju novog, regionalnog vijeća CIGRE-a, koje će djelovati pod imenom Regionalni komitet CIGRE-a za Jugoistočnu Evropu (SEERC). Regionalni savjet je formiran u skladu sa Statutom CIGRE-a, a biće zvanično priznat za regionalno tijelo CIGRE-a od strane Administrativnog savjeta CIGRE-a na sastanku zakazanom za septembar 2013. godine u Kazanu (Rusija).

2. Ciljevi

Ciljevi SEERC-a su:

- Pružanje doprinosa značaju pojedinačnih nacionalnih komiteta u regionu
- Rast aktivnosti CIGRE-a u proširenom geografskom kontekstu i jačanje interakcije između stručnjaka iz država regiona
- Promovisanje aktivnosti (naučnih skupova, tribina i sl.) uz izlaganje manjim finansijskim rizicima i sa većom posjećenošću u odnosu na one koje su rezultat djelovanja pojedinačnih nacionalnih komiteta
- Promovisanje ideje i podrška razvoju novih nacionalnih komiteta u regionu
- Podsticanje novih regionalnih aktivnosti u korelaciji sa novom energetsom politikom i velikim regionalnim energetsom projektima.

3. Metode

SEERC ostvaruje svoje ciljeve služeći se prigodnim metodama i postupcima koji su u skladu sa politikom CIGRE-a.

Metode i postupci SEERC-a uključuju, ali nisu ograničeni na sljedeće:

- Održavanje godišnjih regionalnih sastanaka između Predsjednika nacionalnih komiteta i članova Administrativnog savjeta iz dotičnih zemalja. Teme ovih sastanaka su:
- Obavješćavanje o aktivnostima svake pojedinačne zemlje
- Saradnja na nivou studijskih komiteta
- Koordinacija predloga za nove članove SK
- Rasprava o imenovanju službenika CIGRE-a
- Rasprava o specifičnim regionalnim pitanjima
- Rasprava o akcionom planu
- Ažuriranje statuta i pravilnika koji regulišu aktivnosti SEERC-a kada se za to ukaže potreba. Takvo ažuriranje zahtijeva da se članovi SEERC-a jednoglasno slože u vezi sa pomenutim promjenama. Mjesto susreta rotira između zemalja članica. Takođe je moguće organizovati sastanke i prije ili poslije godišnjih sastanaka Administrativnog odbora CIGRE-a.

4. Članice iz regiona

Osnivači SEERC-a su Nacionalni komiteti Bosne i Hercegovine, Hrvatske, Grčke, Italije, Makedonije, Crne Gore, Rumunije, Srbije, Slovenije i Ukrajine. Ovi učesnici će promovisati članstvo u CIGRE-u onim zemljama koje nemaju svoje nacionalne komitete u sadašnjem trenutku. Novoj državi iz regiona može biti odobreno punopravno članstvo u SEERC-u na godišnjem sastanku ove organizacije, ukoliko dotična zemlja ima nacionalni komitet koji ispunjava uslove CIGRE-a.

Svaki član nosi jedan glas u slučaju donošenja odluke glasanjem.

5. Prijavljivanje

Prijava učešća treba da bude poslata predsjedavajućem SEERC-a u formi priloga ili sa referencom putem koje se zemlja koja je podnosilac prijave poziva na pismeni dokaz svog statusa, odnosno da "ima Nacionalni komitet koji ispunjava CIGRE-ove uslove".

Prema statutima SEERC-a, to je uslov za ulazak u regionalno CIGRE-ovo tijelo.

6. Predsjedništvo

Mandatni rok za predsjednika SEERC-a je dvije godine. Predsjedavanje rotira između zemalja članica po abecednom redu naziva nacionalnih komiteta ili prema dogovoru

postignutom na godišnjim sastancima.

Predsjedavanje će 2013. godine započeti gospodin Krešimir Bakič.

7. Sekretar SEERC-a

Pomaže SEERC-u u rješavanju praktičnih pitanja kao što su:

- Organizovanje sastanaka SEERC-a
- Izdavanje dnevnog reda i materijala prije sastanaka
- Priprema zapisnika sa sastanaka
- Komunikacija sa centralom CIGRE-a u vezi sa administrativnim pitanjima

SEERC treba da ima Sekretara koga će imenovati zemlja koja preuzima predsjedavanje. Ovaj postupak se zasniva na ideji da zadržavanje sekretarijata u periodu koji neposredno prethodi preuzimanju predsjedavanja pomaže osiguravanju kontinuiteta.

- Web-site SEERC-a
- SEERC će koristiti web stranicu CIGRE-a.

8. Sastanci

Pored godišnjeg sastanka, sastanci mogu biti sazvani na zahtjev bilo kojeg člana SEERC-a. Takav zahtjev treba poslati predsjedniku uz povod i predloženi dnevni red. Sastanci moraju biti oglaseni najkasnije mjesec dana prije održavanja. Materijal za sastanak mora biti poslat učesnicima najkasnije nedjelju dana prije sastanka. Odlučivanje o pitanjima koja nisu na Dnevnom redu može se vršiti isključivo ukoliko su svi članovi prisutni i ukoliko su svi saglasni sa tim da se može pristupiti odlučivanju. Odluke se po mogućnosti donose konsenzusom. Ukoliko to nije moguće, odluku je moguće donijeti većinom glasova. Promjene statuta zahtijevaju jednoglasnost, kako je navedeno u statutu. Zapisnici sa sastanaka treba po pravilu da budu predati učesnicima najkasnije tri nedjelje nakon sastanka. Zapisnik treba da bude kratak i da uglavnom uključuje odluke. Izbor snimanja detalja prepušten je učesnicima.

9. Razmjena informacija

Kako bi se olakšala razmjena informacija između članova i pružanje informacija zainteresovanim eksternim stranama, SEERC održava svoju Web stranicu. Web stranica bi trebalo da omogući članovima i kandidatima za članstvo da budu pravovremeno informisani u vezi sa:

- SEERC-om
- Statutima, članstvom, ključnim ličnostima
- Svakom individualnom članu ponaosob i kolektivnim članovima
- Predsjednicima studijskih komiteta, članovima Studijskih komiteta
- WG i TF članovima
- Aktivnostima od potencijalnog interesa za članove SEERC-a
- Radovima predloženim za pariško CIGRE savjetovanje i drugim CIGRE događajima, itd.

10. Finansije i organizacija

Finansijsko načelo je da svaki nacionalni komitet snosi vlastite troškove. Stoga, nikakva novčana sredstva neće biti namijenjivana SEERC-u kao takvom.

Regionalne aktivnosti treba sprovoditi bez bilo kakve ustanovljene birokratije. Nacionalni komiteti su obavezni da nastave svoje aktivnosti i održavaju svoj status. Svu poštu CIGRE treba da šalje direktno na adresu nacionalnih komiteta. SEERC će redovno obavještavati Centralni ured CIGRE-a o svojim aktivnostima i promjenama u vezi sa predsjedavanjem odmah po njihovom događanju.

Originalni Memorandum potpisan je u Crnoj Gori, u Hotelu Maestral u Miločeru, 13. maja 2013. godine.

Dokument je odobren i potpisan od strane predsjednika NK CIGRE sljedećih zemalja:

1. Predsjednik NK CIGRE Bosne i Hercegovine, gđin Rusmir Mahmut ćehaić
2. Predsjednik NK CIGRE Hrvatske, gđin Tomislav Šerić
3. Predsjednik NK CIGRE Italije, gđin Massimo Rebolini
4. Predsjednik NK CIGRE Makedonije, gđin Rubin Taleski
5. Predsjednik NK CIGRE Crne Gore, gđin Milutin Ostojić
6. Predsjednik NK CIGRE Rumunije, gđin Ciprian Diaconu
7. Predsjednik NK CIGRE Srbije, gđin. Gojko Dotlić
8. Predsjednik NK CIGRE Slovenije, gđin Krešimir Bakić
9. Zamjenik predsjednika NK CIGRE Ukrajine, gđin Yuriy Bondarenko